

Nakkutilliinermut atortunut il.il. piumasaqaatit pillugit Namminersornerullutik Oqartussat nalunaarutaat nr. 27, 22. december 2000-imeersaq

Nioqutissanik eqqussuinermi akitsuutit pillugit Inatsisartut inatsisaanni nr. 19, 30. oktober 1992-imeersumi, kingullermik Inatsisartut inatsisaatigut nr. 10, 11. november 2000-imeersukkut allangortinneqartumi § 1, imm. 1, nr. 26 h naapertorlugu makku aalajangersarneqarput:

§ 1. Biilit inunnik angallassissutit Kalaallit Nunaannut eqqunneqarneranni nioqutissanik eqqussuinermi akitsuutit pillugit Inatsisartut inatsisaanni § 1, imm. 1, nr. 26 naapertorlugu akitsuuserneqarnissaat kissaatigineqarpat, biilit inunnik angallassissutit ingerlaarnerminni ilaasoqarsimanerannik (kilometerinik ilaasoqarfiusunik) nalunaarsuisinnaasumik nakkutilliinermut atortulerneqarsimanerat, nakkutilliinermullu atortup taxameterip kilometerinut ilaasoqarfiusimasunut kisitsissutaanut naapertuuttuunera kiisalu nakkutilliinermut atortup taxameterimut, biilit aallakaatitsissutaannut, ledningit katiffiinut ikkuffinnullu atassutai ima aqerlorterneqarsimasut, aqerlortigaq ataaseq arlallilluunniit peeqaarlugit aatsaat nakkutilliinermut atortoq innarlerneqarsinnaangorlugu, pillugit uppersaasat biilinik iluarsaassisarfimmit akuerisaasumeersaq piginnittup nassiutissavaa, takuuk ilanngussaq 1.

Imm. 2. Biilinik inunnik angallassissutinik piginnittup ullut 1. januar aamma 1. juli tamaasa, nakkutilliinermut atortup piumasaqaatinut imm. 1-imi pineqartunut suli naapertuuttuuneranik kiisalu aqerlortigaq ataaseq arlallilluunniit peerneqarsimanerannik takussutissaqaanginneranik uppersaasat biilinik iluarsaassisarfimmit akuerisaasumeersaq nassiuttassavaa.

Imm. 3. Uppersaasatinut imm. 1-imi 2-milu pineqartunut aningaasartuutit biilinik inunnik angallassissutinik piginnittup nammineq akiligassarai. Uppersaasatit immersugassartaat Akileraartarnermi Pisortaqarfimmit ilusilerneqassapput.

§ 2. Biilinik inunnik angallassissutinik piginnittoq pisussaavoq, nakkutilliinermut atortup § 1, imm. 1-imi piumasaqaatinut suli naapertuuttuuneranik Akileraartarnermi Pisortaqarfik, Akileraartarnermiluunniit Pisortaqarfiup tamatumunnga piginnaatitaa, qaqugukkulluunniit sumiluunniillu misissuisinnaatissallugu.

Imm. 2. § 1, imm. 1-imi piumasaqaatit suli malinneqarnerisut misissuisup qularutigippagu, piginnittoq misissuisumit peqquneqarsinnaavoq uppersaasammik § 1, imm. 2-mi pineqartumik piaartumik piniaqqullugu nassiusseqqullugulu. Uppersaasammut tassunga aningaasartuutit biilinik inunnik angallassissutinik piginnittup nammineq akiligassarai.

§ 3. Biilit inunnik angallassissutit, nioqutissanik eqqussuinermi akitsuutit pillugit Inatsisartut inatsisaanni § 1, imm. 1, nr. 26-imi maleruagassat naapertorlugit akitsuuserneqarsimasut piginnittuata qulakkiigassaraa angallannermi allattuivimmik akuerisaasumik, piumaffigineqarnikkullu Akileraartarnermi Pisortaqarfimmut, Akileraartarnermiluunniit Pisortaqarfiup tamatumunnga

piginnaatitaanut, takutinneqartartussamik aammalu pisariaqassappat atukkiunneqartartussamik biilini inunnik angallassissutiniittoqarnissaa. Biilit arlalinnik ingerlatitsisoqaraluarpataluunniit angallannermi allattuiviit ataasiakkaarlugit atorineqartassapput.

Imm. 2. Angallannermi allattuivik paasissutissanik ilanngussaq 2-mi allassimasunik imaqaassaaq. Ingerlatitsisut nikinneranni/ingerlaarnerup aallartinnerani angallannermi allattuivimmut ingerlaannaq allanneqassapput ingerlatitsisup aqqa, nalunaaqutaq ingerlatitsisup ingerlaalerfia - 4-nik kisitsisitalerlugu -, ulloq ingerlaarfik, kiisalu ingerlatitsisut nikinneranni nakkutilliinermut atortup killiffia. Ilaasorisaq, inunnik angallassinermi akinit atuuttunit appasinnerusumik akiliisillugu utimut ilaasoreqqinneqassappat, tamanna ilaasoqarnerup aallartinnerani naanerani ingerlaannaq allanneqassaaq. Akiliutissaq taxameteri atorlugu akilersuisitsisarnermit allaasumik naatsorsorneqarpat, piffissaq ilaasoqarnerup aallartiffia ilaasoqarnerup naammassinerani angallannermi allattuivimmut ingerlaannaq allanneqassaaq. Taxanik piniartut takkutinngitsoorpata tamanna paasineqarniariartoq paasissutissat allanneqassapput, biilillu taxanik piniartarfimmut atassuteqarpat tamanna tassunga nalunaarutigineqarluni. Nalunaarsugassat allat ingerlatitsisut nikinneranni/ingerlaarnerup naammassinerani allatorneqassapput. Qaammatit naaneri tamaasa biilit kilometerilersuutaata killiffia allanneqartassaaq.

Imm. 3. Angallannermi allattuivik tullerriaartumik erseqqissumillu allattuiffigineqassaaq, qupperneq siulleq nuutinnerilu ataatsikkut allaffigalugit. Allariikkat allannortitlugit iluarsaanneqassanngillat. Quppernermi kukkusimagaanni quppernerluunniit ataaseq allortoorsimagaanni qupperneq taanna uingasumik titarneqassaaq atugassaajunnaarlugu. Allattuiviit pingasunik quppernillit siullersaat angallannermi allattuivimmiitineqassaaq, nuutinnerisalu aappaat ingerlatitsisut nikinneranni/ingerlaarnerup naanerani inunnik angallassisinnaanermut akuersissummik piginnittumut tunniunneqassalluni. Angallannermi allattuivik kingullermik allattuiffigineqarneraniit sivikinnerpaamik ukiuni tallimani angallassisinnaanermut akuersissummik piginnittumit toqqortarineqassaaq, piunaffigineqarnikkullu Akileraartarnermi Pisortaqarfimmut atukkiunneqassalluni. Tamanna aamma angallannermi allattuivinnut atorineqanngitsunut atuuppoq.

§ 4. Qaammatip ingerlanerani ingerlaarsimaneq pillugu qaammammoortumik immersugassaq qaammatit naaneri tamaasa piginnittup immersortassavaa, nalunaarlugit biilit inunnik angallassissutit kiap ingerlassimanerai, kisitsissut qassinik nikissimanersoq, qasseriarluni ilaasoqarsimaneq, kilometerit ingerlaarfiit katillugit qassiuneri, kilometerit ilaasoqarfiit qassiuneri kiisalu nakkutilliinermut atortup kisitsisitali. Qaammammoortumik immersugassaq kingusinnerpaamik qaammatip tulliaata 10-ani Akileraartarnermi Pisortaqarfimmut nassiunneqartassaaq.

§ 5. Nalunaarut atuutilissaaq ullormi 1. januar 2001-imi.

Josef Motzfeldt

/

Kaare Hagemann

Ilanngussaq 1

Ilanngussaq 2